



ATASSUT / SIUMUT / DEMOKRAATIT

UKA 2015/31

Siverth K. Heilmann

10. 11. 2015

Uunga siunnersuut: Namminersornerullutik Oqartussat missingersuutaat (2016-imut aningaasanut inatsisissaq, nunamut tamarmut akileraarutissaq, kommunimut akileraarutissaq, kommunit missingersuutissaat aamma ulluunerani paaqqinnittarfinnut akiliu-tissat) pillugit Inatsisartut inatsisaata allanngortinneqarneranik Inatsisartut inatsisaat nr. x, xx 2015-imeersoq.

(Inatsisartut Siulittaasoqarfiat)

Siunnersuut manna tuaviuussatut Inatsisartuni suliassanngortinneqarluni saqqummiunneqarpoq, tamanna ATASSUT-mit, Siumut-miit, Demokraatit-nillu pissusissamisuuinnartutut aammalu pisarialittut nalilerparput, tassami Inatsisartut Siulittaasoqarfianni 2016-mut Aningaasanut Inatsisip aappasaaneerneqarnissaa aammalu pingajussaaneerneqarnissaa kinguartissimavaat, taamaasilluni pingajussaaneerneqarnissaa aammalu akuersissutigineqarnissaa naatsorsuutigineqarsinnaalluni ulloq 20. December 2015-mi pinissaa.

ATASSUT-mit, Siumut-miit, Demokraatit-niillu pingaartipparput Inatsisartut Aningaasaqarnermut Akileraartarnermullu ataatsimiittitaliap, Inatsisartut aammalu Naalakkersuisut siunnersuutip suliarilluarnissaanut piffissaqarluarnissaat minnerunngitsumillu aamma ataatsimiitsitaliap Naalakkersuisullu akornanni erseqqissaassutinik attaveqatigiinnermut piffissaqartinneqarnissaat.

Aammattaaq ATASSUT-mit, Siumut-miit, Demokraatit-nillu pissusissamisoorsorivarput, siunnersuutip matumap kingunerisaanik susassaqaarfinni attuumassuteqartuni piffissaliunneqartartut aamma naleqqussarneqarneri.

Taamatut naatsumik ATASSUT-mit, Siumut-miit, Demokraatit-niillu oqaaseqarluta siunnersuutip toqqaannarluni aappasaaneerneqarluni akuersissutigineqarnissaa innersuussutigissavarput, taamaasilluni 2016-mut Aningaasanut Inatsisip ataatsimiitsitaliami Inatsisartunili aappasaaneerneqarluni saqqummiunneqarnissaa suliarineqarniassamat.